

Surat khabar: Utusan Sarawak (Sada Sarawak)

Hari/Tarikh: 5/10/2013

Muka surat: S2

Tajuk : Makmal Ti Likun Begunaka Peneleba Pekereja.

Makmal ti likun begunaka peneleba pekereja

KUCHING : Kelimpah berandau terus enggau bala pengguna, seiku-seiku orang ke rinduka pengawa dalam bidang pengelikon makmal kelebih agi besangkutpaut enggau bidang sains, industri enggau pelajar sida patut nemu penuh semua pengawa ke dikereja ba makmal.

Pembentang, Dr Prapaipit C.Ternai madah, nemu sereta nitihka atur enggau chara ke betul antara pekara ke patut dikereja.

"Kitai enda ulih tinchai lebu ngaduka perengka kimia, nyema silap tau medis diri empu enggau orang bukai ke semak.

"Ukai semina nya aja, tusun barang dalam makmal mega beguna, semua perengka meseti nitihka tusun atur ke patut," ku iya.

Iya ti mega nyadi Penyanding Penemu Akademik, Fakulti Sains, Universiti Chulalongkorn, Thailand madah munyi nya rambat mantaika keretas jurai maya randau Pengelikon Dalam Bidang Sains, Industri enggau Pelajar Dunya 2013 (World-safety) ba Universiti Malaysia Sarawak (UNIMAS), ditu kemari (Hari Lima).

Iya madah, pengawa ngaga makmal patut ngemeratka konsep nyengkaum zon/tusun atur, jemari/endur engkah perengka, enggau utai bukai ngambika



MERI PENERANG ... Dr Prapaipit C.Ternai (kiba), benung meri penerang ngagai bala pesereta ke ngulu randau Pengelikon Dalam Bidang Sains, Industri enggau pelajar Dunya 2013 ba UNIMAS, kemari.

pengelikon tejamin.

"Genap sukut dinding, lantai, siling sereta jemari dalam makmal patut dipadah enggau nyemetak.

"Baka nya mega perangka ke bisi dalam makmal baka kaca, enda patut diengkah ba endur ke angkat laban mudah pechah. Perangka bukai baka pejalai gas elektrik, ai beresi, parit enggau

utai bukai patut didero ba siti keretas ngambika ulih ngajar orang bukai," ku iya.

Nangkan ke nya, iya madah pekara nya ulih ditemu orang bukai dalam kandang tiga bulan tauka lebih.

"Ngatur enggau chara ke betul endang beguna amat ngambi pulaika pengelikon sereta nambahka penemu nga-

gai orang ukai, pia mega orang ke ngatur pengawa meseti udah chukup teleba ngereja pengawa ba makmal.

"Berunding enggau bala pengatur makmal dulu nyema deka mindahka barang," ku iya seraya madahka pekara ke baka nya ulih nyeliahka diri ari kena tuntung penusah ke enda disadang.